

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 01-04-900
Bihać, 10.03.2022 godine

Na osnovu člana 140. Poslovnika Gradskog vijeća („Službeni glasnik Grada Bihać“, broj: 3/16 i 4/20), Gradonačelnik Grada Bihaća u svojstvu predlagača propisa i drugih akata koje donosi vijeće,

O d r e đ u j e

I z v j e s t i o c a Dijanu Bišević, pomoćnicu gradonačelnika za poslove kabineta i mjesne zajednice, na sjednici Gradskog vijeća i radnim tijelima po prijedlogu tačke dnevnog reda:

-Prijedlog Rješenja o imenovanju Komisije za provođenje izbora u mjesnim zajednicama



Ш Gradonačelnik
Šuhret Fazlić

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK**

Broj: _____

Bihać, _____

GRADSKO VIJEĆE

**PREDMET: Prijedlog Rješenja o imenovanju Komisije za provođenje izbora u
mjesnim zajednicama**

Na osnovu člana 52. stav 1. tačka b) Statuta Grada Bihaća ("Službeni glasnik Grada Bihaća" broj 13/15 i 13/18) i člana 140. Poslovnika Gradskog vijeća Grada Bihaća ("Službeni glasnik Grada Bihaća" broj 3/16 i 4/20), dostavljam vam na usvajanje prijedlog Rješenja o imenovanju Komisije za provođenje izbora u mjesnim zajednicama uz sljedeće:

Obrazloženje

I PRAVNI OSNOV

Pravni osnov za donošenje Rješenja o imenovanju Komisije za provođenje izbora u mjesnim zajednicama sadržan je u članu 8. stav (1) Odluke o raspisivanju izbora u mjesnim zajednicama ("Službeni glasnik Grada Bihaća" broj: 2/22) kojom je propisano da Komisiju za provođenje izbora imenuje Gradsko vijeće.

II RAZLOZI ZA DONOŠENJE ODLUKE

Gradsko vijeće Grada Bihaća je na sjednici održanoj dana 03. marta 2022. godine usvojilo Odluku o raspisivanju izbora u mjesnim zajednicama („Službeni glasnik Grada Bihaća“ broj: 2/22) i kao dane održavanja izbora odredilo 23. i 24. april 2022. godine.

Članom 7. pomenute Odluke propisano je da su organi za provođenje izbora Komisija za provođenje izbora i birački odbori.

Članom 8. stav (1) pomenute Odluke propisano je da Komisiju za provođenje izbora imenuje Gradsko vijeće, dok stav (2) istog člana propisuje da se članovi Komisije za provođenje izbora imenuju iz reda gradskih vijećnika i iz reda službenika i namještenika Gradskog organa uprave.

Stavom (3) člana 8. pomenute Odluke propisano je da Komisija za provođenje izbora organizuje i provodi izbore, utvrđuje konačne kandidatske liste, određuje biračka mjesta, koordinira aktivnosti u vezi sa provođenjem izbora, pruža stručnu pomoć biračkim odborima u procesu provođenja izbornih aktivnosti, vrši nadzor nad radom biračkih odbora, daje upute i pojašnjava način glasanja, te nadzire primjenu Uputstva o načinu rada biračkih odbora, a članom 24. stav (4) Odluke propisano je da Komisija za provođenje izbora izdaje službenu akreditaciju ovlaštenim posmatračima.

IV FINANSIJSKA SREDSTVA

Članom 8. stav (4) Odluke o raspisivanju izbora u mjesnim zajednicama propisano je da članovi Komisije za provođenje izbora imaju pravo na naknadu za svoj rad, te se stoga u tački III predloženog Rješenja predlaže da se visina predmetne naknade utvrdi zaključkom Gradonačelnika.

Sredstva za provođenje izbora u mjesnim zajednicama osigurana su u Budžetu Grada Bihaća u iznosu od 15.000 KM (slovima: petnaesthiljada), ekonomski kod: 614115- Služba za poslove kabineta i mjesne zajednice.

V PRIJEDLOG

S obzirom na navedeni pravni osnov i razloge donošenja predlažem da Gradsko vijeće predloženo Rješenje razmotri i usvoji u prezentiranom tekstu.

Dostavljeno:

1. Naslovu
2. Evidencija
3. a/a



GRADONAČELNIK
Šuhret Fazlić

Na osnovu člana 8. stav (1) Odluke o raspisivanju izbora u mjesnim zajednicama („Službeni glasnik Grada Bihać“, broj: 2/22) i člana 35. Statuta Grada Bihać („Službeni glasnik Grada Bihaća“, broj: 13/15 i 13/18), Gradsko vijeće Grada Bihaća, na _____ sjednici održanoj dana _____ godine, donijelo je:

R J E Š E N J E

o imenovanju Komisije za provođenje izbora u mjesnim zajednicama

I

Imenuje se Komisija za provođenje izbora u mjesnim zajednicama u sastavu:

1. Asmir Budimlić, predsjednik Komisije
2. Adis Dizdarić,
3. Dijana Bišćević, član
4. Elmedin Mehadžić, član
5. Fersadeta Hadžić, član
6. Mirsad Zulić, član

II

Komisija iz tačke I ovog Rješenja:

- organizuje i provodi izbore za članove savjeta mjesnih zajednica i predsjednike mjesnih zajednica,
- utvrđuje konačne kandidatske liste,
- određuje biračka mjesta,
- koordinira aktivnosti u vezi sa provođenjem izbora,
- izdaje akreditacije posmatračima izbornog postupka,
- pruža stručnu pomoć biračkim odborima u procesu provođenja izbornih aktivnosti,
- vrši nadzor nad radom biračkih odbora,
- daje upute i pojašnjava način glasanja,
- nadzire primjenu Uputstva o načinu rada biračkih odbora,
- obavlja i druge poslove u vezi sa izbornim postupkom koji nisu stavljeni u nadležnost biračkih odbora.

III

(1) Članovi Komisije za provođenje izbora u mjesnim zajednicama imaju pravo na naknadu za svoj rad.

(2) Visina naknade iz prethodnog stava utvrdit će se zaključkom Gradonačelnika.

IV

Ovo Rješenje stupa na snagu sljedećeg dana od dana objavljivanja u Službenom glasniku Grada Bihaća.

Broj: _____
Bihać, _____

Predsjedavajući Gradskog vijeća
Zulfikar Handukić